

Onur che munta lavur

La FMR ha discurrì cun Gionduri Maissen che presidiescha l'Uniun da tscheiver Mustér ed è er derschader da la Dertgira nauscha. Pagina 5



Gionduri Maissen presidiescha l'Uniun da tscheiver Mustér ed ei in dils derschaders dalla Dertgira nauscha.

FOTO SUSI ROTHMUND

«Il tscheiver ei ina stagiun senza reglas e normas»

Gionduri Maissen (45) ei redactor da RTR ed in fervent amitg dil tscheiver. El presidiescha l'Uniun da tscheiver Mustér ch'organisescha il til da tscheiver, ch'edescha la gasetta da tscheiver La Sibla, organisescha la Dertgira nauscha, segida d'organisar la sera en halla ed il tscheiver pils affons.

SUSI ROTHMUND/FMR

Uonn ei il tscheiver a Mustér staus empau auters ch'usitau. Il til dalla sonda ei vegnius annullaus ed il tscheiver pils affons croda medemamein oz. Persuenter ha ei dau differents concerts da

musicas da tscheiver e sco punct culminont ina gronda fiasta ella halla dil Center Fontauna. La Dertgira nauscha ha giu liug uonn excepziunalmein il venderdis. Leu divertescha *Gionduri Maissen* sco derschader. Alla FMR ha el declarau daco ch'el tscheiver fascinescha el.

Per quels ch'organiseschan il tscheiver ei era il temps avon in temps intensiv. Uonn ei tut stau empau cumplicau. Co ei quei stau per Vus da sentgar e planisar il tscheiver e la Dertgira nauscha, nunsavend sche tut quei sappi insumma haver liug?

Gionduri Maissen: Il temps da preparaziun ei concentraus sil meins avon il tscheiver. Ideas ed inspiraziuns rimnein nus denton igl entir onn. Propi intensiv eis ei alla fin, lu sentupein nus dus derschaders quasi mintga sera per trenar. Suentar che nus havein stuiu annullar il 2021 tut il tscheiver havein nus decidiu d'en mintga cass organisar almeins la Dertgira nauscha uonn. Damai ch'ella ha liug ordaviert ed attira pil solit buca dapli che 500 persunas dueva ei esser pusseivel. El mender cass havessen fatg in livestream, mo quei ei percletg buca stau necessari e nus essan fetg leds che havein astgau guder quella sera ensemen cun in publicum numerus e cuntent.

Ella rolla dils derschaders drov'ei tips satirics, mo era precauts. Ei quei buc ina brava sfida d'anflar il dretg tun per buca permalar memia zun in ni l'auter?

Satira e humor ei adina ina caussa fetg individuala, mintgin recepescha auter satira. Tgi che vegn alla Dertgira nauscha sa che tut ei formulau plitost alla moda gitta e vegn era a capir nies humor. Il meglier ei sch'ins sa era rir da sesez e pren buca tut memia serius. Da miu avis ha la gliעד si cheu tier nus in bien humor e sa era co igl ei manegiau.

Tgei fascinescha Vus vid il tscheiver?

Il tscheiver ei ina stagiun senza reglas e normas. Igl ei sco il verset ch'el preni tscheiver di mintga gada alla fin dalla dertgira nauscha; lein star bein perina, mintgin ei miu amitg tuttina! Quella tenuta ei da sentir tier tut quels che fan tscheiver. Saver schluitar en in'otra rolla e guder la cumpignia e la cuminonza da tscheiver ei in impurtont punct dalla fascinaziun tscheiver, buc mo ella Cadi, mobein era cu ins va ella Bassa a far tscheiver. Jeu sun staus 19 onns commember dallas Fifferlottas e secapescha fascineschan las musicas da tscheiver ed il svilup ch'ellas han fatg aunc oz mei. Jeu gaudel mintg'onni il tscheiver.

E tgei motivescha Vus da metter en pei la Dertgira nauscha ensemen cun Vies team?

La Dertgira nauscha ei ina biala fuorma da tscheiver cun liunga tradiziun. Il 1987 eis ella vegnida reactivada suenter ina pausa pli gronda da 200 onns. Il preni tscheiver, il narr, la glina, il sulegl, la dama da toccas, igl um d'uaul, il tambur ed il pfiffer ein per part figuras tradiziunalas e per part copias dalla suite dil cumin dalla Cadi. Ellas ein ina bellezza interpretaziun dil tscheiver da pli baul. Antruras fagevan ei bugen parodias sin autoritads e quei ei aunc oz empau aschia. La dertgira nauscha s'auda tiel tscheiver a Mustér. Cu jeu hai surpriu il presidi dall'unioni da tscheiver havess jeu denton buc tertgau che jeu fetschi in di era derschader. D'ina vart ei quei ina honur e da l'otra vart in buordi, pertgei tut sto era enzacu sin pupi e quei drova siu temps da madirar.



Placi Flury e Gionduri Maissen (da sen.) han dau massa breigia da criticar a moda humoristica e capiu da stridar (quasi) negin.



Ils derschaders prelegian lur sentenzias.

FOTOS SUSI ROTHMUND

Pendiu ina massa

Ina massa scrottas da neiv ei curdada il venderdis sera silla piazza da scola a Mustér. Leu era ina massa glieud serimnada per tedlar da tutta ferdaglia tgei massa ch'ils derschaders han giu da prender silla corna e per ballontschar el tact dallas musicas da tscheiver. Alla fin ha la Dertgira nauscha a Mustér pendiu ina massa delinquents.

SUSI ROTHMUND/FMR

Excepiunalmoin ha la Dertgira nauscha giu liug il venderdis vargaus e buc sco usitau da gliendisdis tscheiver. Suentar haver fatg in cordial beinvegni als presents ei il derschader *Gionduri Maissen* sedumandaus, sch'ei seigi insumma prudent da far la Dertgira nauscha uonn. El quetti ch'ei detti mintg'on novs problems: «La davosa Dertgira nauscha eri igl accident sin halla, uonn eis'ei quell'uiara ell'Ucraina.» Quei detti secapescha era da partegar ad el, mo la damonda fundamentala seigi quella: «Eis ei insumma prudent da far tscheiver, magliar e beiber, cu affons mieran dalla fom quasi mintga minuta giu l'Africa... ins sa buc co rispunder quella damonda e lu savessan ins era schar da far tut.» Ils derschaders *Gionduri Maissen* e *Placi Flury* han capiu da tschaffar e divertir il publicum cun lur humor che ha piztgau ina ga pli fetg ed ina ga pli bufatg. Per mintga ga ch'ei han duvrau ils plaids corona, virola, omicron ni x-in da quels plaids ch'ins enonuscheva aunc buc avon dus onns ha il preni tscheiver giu da metter in da 5 francs en in piertg da spargn rosa. Il davos aveva quel strusch plaz pli.

teneva distanza e tscheu e leu s'embratschava enzatgi ni salidava perfin cun dar il maun. Schliet han ils derschaders buc survegniu da quei cunfar, mobein dils tuns dallas plumpas da libertad. Plumpas hagian buca pli la medem muntada ed ei fetschi gia schliet mo d'udir las vaccas cun plumpas sil prau. Auters hagian giu schliet suenter la virola ed il virus hagi procurau per memia biars morts sigl entir mund. «Aber lein bandunar quei tema malemperneivel e vegnir tier enzatgei pli impurtont che cachauna forsa era gleiti morts cheu tier nus... tier il luf...», ha in derschader puntau e l'auter ha aschuntau ch'el vegni ussa cul tema il pli heicli insumma. Il luf, gie quel pari d'esser la cuolpa per tut e seigi era responsabels «ch'ei ha memia paucs affons tier nus».

Teccas pils vischins

Sco igl ei usit ei la Dertgira nauscha era stada uonn in tec nauscha culs vischins da Trun, Sumvitg, Medel e Sedrun. Tgi che neschi a Trun seigi automaticamein in «Künstler» e la suprastonza da Sumvitg seigi silmeins ina gada vegnida perina ed aschia calien tuts ensem. Silla corna han ils derschaders era priu il lag Salischinas a Surrein e la punt pendent per ir a pei vi Mompé Medel. Ord quei uclaun fages-

Tujetsch sto tut esser il dubel aschi grond sco a Mustér», ha in derschader puntau e manegiau ch'ei vegnien denton buca da tener pétg cun far pops, ei hagian mo la mesadad dils scolars da Mustér. «Persuenter han ei dubel aschi gronds pops», ha l'auter aschuntau ed il publicum ha ina ga dapli pudiu rir da cor.

Massa pendì

En dus onns ei dabia serimnau e la Dertgira nauscha ha buca schau per pauc da prender silla corna Sedrun Mustér Turissem ed il niev president. Enqual tecca ha naturalmeins era il president communal survegniu – negin capeschi il president cun siu slang tuatschin. Era cul menader dalla serenera a Raveras, ch'ei vegnien purtreaus en La Quotidiana, han ei fatg empau legher. Il tetel dil schurnalist era «tschuf anen e schuber ano» e ha schau luvrar pulit la fantasia sexuala dils derschaders. Ei ha dau ina massa da rir pil publicum ed ina massa che fa stermer als derschaders. Naven d'ina massa suprastonts che seretilan en globo, massa glieud che banduna la val, massa reglas e leschas che negin drova, massa ustrias a Sumvitg che arvan sulet per pasts da bara, massa uiara sigl entir mund entochen tier ina massa Turitgès en ina massa autos...ed ina massa da tut. Perquei ha la Dertgira nauscha

Pendiu la fallida

Sch'ei havessien saviu tgei che spetgi cuort suenter la davosa Dertgira nauscha dil 2020 sil mund, havessien ei pendiu gia lu quei stoda virus enstagl da pender la globalisaziun e far viva cun corona. Da quei temps ch'ins sembratschavi e bitschavi aunc in l'auter. In temps che para puspei da returnar plaunet pertgei il venderdis purtava negin mascras da protecziun, negin

sen els dus in «Ballenberg» grischun, mo cun vera glieud che viva leu. Schanegiau han ils derschaders era buc ils organisaturs digl Indoor Festival che hagian annunziau quel sco sch'ei massi pil proxim sgol silla glina, stau seigi denton aunc nuot. Gronda canera fetschien era ils Tuatschins cun lur resort niev a Dieni che stoppi vegnir silmeins dubel aschi gronds sco il resort Catrina. «Oh, gliez ei schon clar, en

schau pender uonn ina massa e tuts han clamau: «Vid la fuortga cun las massas». Il prentz tscheiver ed il narr han fatg per camond e pendiu simbolicamein in luf, in «Freiheitsrychler» e tut las mascras ch'ei setschentadas giun plaun ils davos onns. Ils affons ein s'avischinai per mirar ord pintga distanza co quei va da pender ed ina buobetta ha manegiau: «Pendi aunc pli, aunc massa!»



Las musicas da tscheiver astgan secapescha era buca muncar alla Dertgira nauscha.



La Dertgira nauscha ha giu da pender uonn ina massa.